

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) nr. 716/2013**

2014/EES/73/51

frá 25. júlí 2013

**um reglur vegna beitingar reglugerðar Evrópuþingsins og ráðsins (EB) nr. 110/2008
um skilgreiningu, lýsingu, kynningu, merkingu og vernd landfræðilegra merkinga
á brenndum drykkjum (*)**

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 110/2008 frá 15. janúar 2008 um skilgreiningu, lýsingu, kynningu, merkingu og vernd landfræðilegra merkinga á brenndum drykkjum ⁽¹⁾, einkum 3. mgr. 24. gr. og 27. gr.,

og að teknu tilliti til eftirfarandi:

- 1) Til að skýra tiltekin ákvæði í reglugerð (EB) nr. 110/2008 og tryggja samræmda framkvæmd þeirra í aðildarríkjunum skal samþykkja nákvæmar reglur, einkum að því er varðar notkun á samsettum hugtökum, óbeinum tilvitnunum, söluheitum og landfræðilegum merkingum í kynningum á brenndum drykkjum.
- 2) Samkvæmt 1. og 2. mgr. 10. gr. reglugerðar (EB) nr. 110/2008 getur, í ákveðnum tilvikum, komið fram í kynningum brenndra drykkja samsett hugtak sem í er heiti eins af flokkunum sem skráðir eru í II. viðauka við reglugerð (EB) nr. 110/2008 eða einnar af landfræðilegu merkingunum sem skráðar eru í III. viðauka við þá reglugerð eða þá ein eða fleiri óbeinar tilvitnanir sem í er einn eða fleiri þessara flokka eða landfræðilegu merkinga. Til að tryggja samræmda notkun á samsettum hugtökum og óbeinum tilvitnunum í aðildarríkjunum er nauðsynlegt að setja nákvæmar reglur um notkun þeirra í kynningum brenndra drykkja og annarra matvæla.
- 3) Þegar vísað er til tiltekins brennds drykkjar í kynningu matvæla verður viðkomandi brenndur drykkur að uppfylla ákvæði reglugerðar (EB) nr. 110/2008 að öllu leyti og vera óþynntur. Nauðsynlegt er að skýra merkingu hugtaksins „þynning“ þegar það vísar til brenndra drykkja þar eð ekki skal líta á tiltekin framleiðsluferli sem þynningu.
- 4) Til að tryggja að farið sé að skilyrðum fyrir skráningu landfræðilegra merkinga, sem mælt er fyrir um í reglugerð (EB) nr. 110/2008, skal framkvæmdastjórnin rannsaka umsóknir um skráningar og setja skal ítarlegar framkvæmdarreglur um málsmeðferðarreglur varðandi umsóknir, rannsóknir, andmæli og niðurfellingar að því er varðar landfræðilegar merkingar fyrir brennda drykki.

Til að tryggja jafnræði í beitingu þessara reglna skal útbúa fyrirmyndir að umsókn um skráningu, tækniskjali, andmælayfirlýsingu, breytingum á tækniskjalinu og niðurfellingu landfræðilegrar merkingar.

- 5) Til að greiða fyrir samskiptum milli framkvæmdastjórnarinnar og aðildarríkjanna og þriðju landa í tengslum við skráðar landfræðilegar merkingar skulu aðildarríki og þriðju lönd senda framkvæmdastjórninni þau meginatriði sem tilgreind eru í tækniskjölunum fyrir landfræðilegar merkingar þeirra, auk tækniskjalanna eins og þau leggja sig.
- 6) Takmarkanir sem varða umbúðir brennds drykkjar með landfræðilega merkingu, s.s. sú skylda að pökkun brennda drykkjarins skuli fara fram á skilgreindu landsvæði, teljast vera höft á frjálsum vöruflutningum og frelsi til að veita þjónustu. Einungis skal leyfa slíkar takmarkanir ef þær eru nauðsynlegar, hlutfallslegar og til þess gerðar að vernda orðstír landfræðilegu merkingarinnar.
- 7) Koma skal upp Evrópusambandstákni fyrir landfræðilegar merkingar brenndra drykkja til að gera neytendum kleift að bera kennsl á tiltekna brennda drykki þegar sérkenni drykkjanna tengjast uppruna þeirra.
- 8) Að teknu tilliti til þess tíma sem aðildarríkin þurfa til að koma í framkvæmd þeim ráðstöfunum sem tengjast samsettum hugtökum og óbeinum tilvitnunum skal fresta beitingu þessara ráðstafana.
- 9) Ráðstafanirnar, sem kveðið er á um í þessari reglugerð, eru í samræmi við álit nefndarinnar um brennda drykki.

SAMÞYKKT REGLUGERÐ ÞESSA:

I. KAFLI

EFNI OG SKILGREININGAR

I. gr.

Efni

Með þessari reglugerð eru settar nákvæmar reglur um framkvæmd reglugerðar (EB) nr. 110/2008, einkum að því er varðar:

- a) notkun á samsettum hugtökum og óbeinum tilvitnunum eins og um getur í 10. gr. reglugerðar (EB) nr. 110/2008, í lýsingu, kynningu og merkingu matvæla,

(*) Þessi EB-gerð birtist í Stjtið. ESB L 201, 26.7.2013, bls. 21. Hennar var getið í ákvörðun sameiginlegu EES-nefndarinnar nr. 223/2014 frá 24. október 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 39, 13.2.2008, bls. 16.

- b) landfræðilegar merkingar brenndra drykkja sem um getur í 15. gr. reglugerðar (EB) nr. 110/2008 og notkun á Evrópu-sambandstákni fyrir landfræðilegar merkingar á brenndum drykkjum.

2. gr.

Skilgreiningar

Í þessari reglugerð er merking eftirfarandi hugtaka sem hér segir:

- a) „flokkur brenndra drykkja“: einn af flokkunum í II. viðauka við reglugerð (EB) nr. 110/2008 sem bera númer á bilinu 1 til 46,
- b) „landfræðileg merking“: ein af þeim landfræðilegu merkingum sem skráðar eru í III. viðauka við reglugerð (EB) nr. 110/2008,
- c) „samsett hugtak“: samsetningin í hugtaki sem er tilgreint í flokkunum í II. viðauka við reglugerð (EB) nr. 110/2008 sem bera númer á bilinu 1 til 46 eða landfræðilegri merkingu á brenndum drykk sem allt alkóhólíð í lokaafurðinni er fengið úr, ásamt:
- i. heiti eins eða fleiri matvæla annarra en þeirra sem notuð eru til framleiðslu á viðkomandi brenndum drykk í samræmi við II. viðauka við reglugerð (EB) nr. 110/2008 eða lýsingarorð dregin af þessum heitum og/ eða
 - ii. hugtakinu „líkjör“,
- d) „óbein tilvitnun“: bein eða óbein tilvísun til eins eða fleiri flokka brenndra drykkja eða landfræðilegra merkinga, annarra en tilvitnana í samsettu hugtaki eða skrár yfir innihaldsefni sem um getur í 9. mgr. 9. gr. reglugerðar (EB) nr. 110/2008.

II. KAFLI

REGLUR UM NOTKUN SAMSETTRA HUGTAKA OG ÓBEINNA TILVITNANA

3. gr.

Samsett hugtök

1. Hugtakið „brenndur drykkur“ skal ekki koma fyrir í samsettu hugtaki sem lýsir áfengum drykk.
2. Samsett hugtak, sem lýsir áfengum drykk, skal ekki samstanda af samsetningu á hugtakinu „líkjör“ og heiti eins af flokkunum í II. viðauka við reglugerð (EB) nr. 110/2008 sem bera númer á bilinu 33 til 40.
3. Samsett hugtak skal ekki koma í staðinn fyrir söluheiti brennds drykkjar.
4. Samsetta hugtakið, sem lýsir áfengum drykk, skal birtast með samræmdum bókstöfum í sömu leturgerð, stærð og lit. Það skal ekki brotið upp með neinum texta eða myndrænum þætti sem ekki er hluti af því og skal ekki vera með stærra lettri en söluheitið.

4. gr.

Óbeinar tilvitnanir

Óbein tilvitnun í einhvern flokk brenndra drykkja eða landfræðilega merkingu til kynningar á matvælum skal ekki koma fyrir í sömu línu og söluheitið. Ef um áfenga drykki er að ræða skal óbeina tilvitnunin koma fyrir með minna lettri en það sem er notað fyrir söluheitið og samsetta hugtakið.

5. gr.

Þynning brenndra drykkja

Að því er varðar 2. mgr. 10. gr. reglugerðar (EB) nr. 110/2008 skal það teljast þynning ef alkóhólstyrkleiki brennds drykkjar hefur verið minnkaður niður fyrir þann lágmarksalkóhólstyrkleika sem er fastsettur fyrir þann brennda drykk í samsvarandi flokki í II. viðauka við þá reglugerð, eingöngu með því að bæta við hann vatni.

III. KAFLI

LANDFRÆÐILEGAR MERKINGAR

6. gr.

Umsókn um skráningu landfræðilegrar merkingar

Umsókn um skráningu landfræðilegrar merkingar í III. viðauka við reglugerð (EB) nr. 110/2008 skal lögð fyrir framkvæmdastjórnina og skal samstanda af:

- a) umsóknareyðublaði sem samræmist fyrirmyndinni í I. viðauka við þessa reglugerð,
- b) tækniskjali sem samræmist fyrirmyndinni í II. viðauka við þessa reglugerð,
- c) helstu nákvæmu skilgreiningunum í tækniskjalinu sem um getur í b-lið.

7. gr.

Umsókn sem nær yfir landamæri

1. Þegar landfræðileg merking sem nær yfir landamæri snertir einungis aðildarríki skal umsóknin lögð fram sameiginlega eða af einu aðildarríkjanna í nafni hinna. Í seinna tilvikinu skal umsókninni fylgja skjal frá hverju hinna aðildarríkjanna sem um ræðir þar sem þau heimila aðildarríkinu, sem sendir inn umsóknina, að koma fram fyrir sína hönd.

Þegar eingöngu þriðju lönd standa að landfræðilegri merkingu sem nær yfir landamæri skal annaðhvort einn umsækjendanna eða eitt þriðju landanna leggja umsóknina fyrir framkvæmdastjórnina fyrir hönd hinna og í henni skal eftirfarandi koma fram:

- a) sannanir fyrir því að vernd sé fyrir hendi í þeim þriðju löndum sem um er að ræða og

- b) skjal frá hverju þeirra þriðju landa sem um ræðir þar sem þau heimila þriðja landinu, sem leggur fram umsóknina, að koma fram fyrir sína hönd.

Þegar landfræðileg merking, sem nær yfir landamæri, snertir a.m.k. eitt aðildarríki og a.m.k. eitt þriðja land skal eitt aðildarríkanna, yfirvöld þriðja lands eða einkaaðilar frá viðkomandi þriðja landi leggja umsóknina fyrir framkvæmdastjórnina og í henni skal eftirfarandi koma fram:

- a) sannanir fyrir því að vernd sé fyrir hendi í þeim þriðju löndum sem um er að ræða og
- b) skjal frá hverju þeirra aðildarríkja eða þriðju landa sem um ræðir þar sem þau heimila aðilanum, sem leggur fram umsóknina, að koma fram fyrir sína hönd.

2. Aðildarríkið eða yfirvaldið í þriðja landinu eða einkaaðilinn frá viðkomandi þriðja landi sem leggur umsókn, sem nær yfir landamæri, fyrir framkvæmdastjórnina skal vera viðtakandi allra tilkynninga eða ákvarðana sem framkvæmdastjórnin gefur út.

8. gr.

Móttaka umsóknarinnar

1. Framlagningardagsetning umsóknar er sú dagsetning þegar umsóknin berst framkvæmdastjórninni.
2. Yfirvöld aðildarríkisins eða þriðja landsins eða einkaaðili frá viðkomandi þriðja landi skal fá staðfestingu á móttöku þar sem a.m.k. eftirfarandi atriði skulu koma fram:
- a) skrásetningarnúmerið,
- b) heitið sem á að skrá,
- c) fjöldi móttækinnna blaðsíðna,
- d) viðtökudagur umsóknarinnar.

9. gr.

Gildandi, landfræðilegar merkingar

1. Ef tækniskjalið fyrir gildandi landfræðilega merkingu, sem lagt er fram skv. 1. mgr. 20. gr. reglugerðar (EB) nr. 110/2008, sýnir ekki fram á að kröfurnar, sem mælt er fyrir um í 1. mgr. 15. gr. þeirrar reglugerðar, séu uppfylltar skal framkvæmdastjórnin ákveða frest til breytinga eða til að afturkalla umsóknina eða til að aðildarríkin geti lagt fram athugasemdir fyrir framkvæmdastjórnina.
2. Ef aðildarríkið bætir ekki úr slíkum ágöllum innan þess frests sem um getur í fyrstu málsgrein skal litið svo á að tækniskjalið hafi ekki verið lagt fram og ákvæði 3. mgr. 20. gr. reglugerðar (EB) nr. 110/2008 skulu gilda.

10. gr.

Innpökkun á viðkomandi landsvæði

Ef fram kemur í tækniskjalinu að innpökkun brennda drykkjarins skuli fara fram innan afmarkaðs landsvæðis eða á

svæði í næsta nágrenni þess skal rökstyðja þá kröfu að því er þá afurð varðar.

11. gr.

Lögmæti umsóknarinnar

1. Umsóknin telst lögmæt ef hún samanstendur af öllum þáttunum sem um getur í 6. gr.
2. Ef eitthvað vantar í umsóknina skal framkvæmdastjórnin gefa umsækjandanum kost á tveggja mánaða fresti til að bæta úr ágöllum. Ef ekki er ráðin bót á ágöllum fyrir þann tíma skal framkvæmdastjórnin hafna umsókninni sem ótækri.

12. gr.

Athugun á skilyrðum fyrir réttmæti umsóknar

1. Ef landfræðileg merking er ekki í samræmi við ákvæði 15. gr. reglugerðar (EB) nr. 110/2008 eða ef umsókn um skráningu uppfyllir ekki kröfurnar sem mælt er fyrir um í 17. gr. reglugerðar (EB) nr. 110/2008 skal framkvæmdastjórnin veita frest til að bæta þar úr eða afturkalla umsóknina eða til að aðildarríkið, yfirvald þriðja lands eða einkaaðili frá viðkomandi þriðja landi geti lagt fram athugasemdir.
2. Ef aðildarríkið, yfirvald þriðja lands eða einkaaðili frá viðkomandi þriðja landi bætir ekki úr þessum ágöllum innan þess frests sem um getur í 1. mgr. skal framkvæmdastjórnin hafna umsókninni.

13. gr.

Andmæli gegn skráningu

1. Andmælin, sem um getur í 7. mgr. 17. gr. reglugerðar (EB) nr. 110/2008, skulu útbúin í samræmi við fyrirmyndina í III. viðauka við þessa reglugerð og lögð fyrir framkvæmdastjórnina. Framlagningardagsetning andmæla er sú dagsetning þegar andmælin berast framkvæmdastjórninni.
2. Andmælandinn skal fá kvittun fyrir móttöku þar sem a.m.k. eftirfarandi atriði skulu koma fram:
- a) skrásetningarnúmerið,
- b) fjöldi móttækinnna blaðsíðna,
- c) viðtökudagur andmælanna.

14. gr.

Lögmæti andmæla

1. Andmælin teljast lögmæt ef í þeim kemur fram hvaða eldri réttinda er krafist, ef við á, og ástæður fyrir andmælunum og þau bárust innan þess frests sem um getur í 7. mgr. 17. gr. reglugerðar (EB) nr. 110/2008.

2. Ef andmæli eru lögð fram á grundvelli þess að til er eldra vörumerki sem nýtur orðspors og orðstírs og er þegar í notkun í Sambandinu, í samræmi við 3. mgr. 23. gr. reglugerðar (EB) nr. 110/2008, skulu umsókninni fylgja sannanir fyrir því að sótt hafi verið um skráningu eldra vörumerkisins, fyrir skráningu þess eða notkun, t.d. skráningarskírteini þess eða sönnun fyrir notkun þess og sönnun fyrir orðspori þess og orðstír.

3. Öll andmæli skulu innihalda upplýsingar um staðreyndir, sönnunargögn og athugasemdir sem lagðar eru fram til stuðnings andmælunum, ásamt viðeigandi fylgiskjölum.

Upplýsingarnar og sönnunargögnin sem leggja skal fram til stuðnings þess að eldra vörumerki hafi verið notað skulu vísa til staðsetningar, tíma, umfangs og eðlis notkunarinnar og orðspors þess og orðstírs.

4. Ef upplýsingarnar og skjölin, sem um getur í 1., 2. og 3. mgr., eru ekki lögð fram skal framkvæmdastjórnin gefa andmælandanum kost á að gera úrbætur á þessum ágöllum innan tveggja mánaða. Ef ekki er ráðin bót á ágöllum innan þess frests skal framkvæmdastjórnin hafna andmælunum sem ótækum.

15. gr.

Athugun andmæla

1. Ef andmælin eru lögmat skal framkvæmdastjórnin tilkynna aðildarríkinu, yfirvaldi þriðja landsins eða einkaaðilanum frá viðkomandi þriðja landi um það og gefa þeim kost á að leggja fram athugasemdir innan tveggja mánaða. Andmælanda skal tilkynnt um allar athugasemdir sem berast á þessu tveggja mánaða tímabili.

2. Framkvæmdastjórnin skal fara fram á það við aðila málsins að þeir leggi fram athugasemdir um athugasemdir annarra aðila, sem þeir hafa móttengið, innan tveggja mánaða.

3. Ef framkvæmdastjórnin telur að andmælin séu réttmæt skal hún hafna umsókninni um skráningu.

4. Ef um er að ræða fleiri en ein andmæli er hugsanlegt að umsókn geti ekki talist tæk til skráningar eftir forrannsókn á einum eða fleiri slíkum andmælum, þá getur framkvæmdastjórnin stöðvað aðrar andmælameðferðir tímabundið. Framkvæmdastjórnin skal tilkynna öðrum andmælendum um allar ákvarðanir sem hafa áhrif á þá.

5. Þegar umsókn um skráningu er hafnað skal líta svo á að andmælameðferðum sem stöðvaðar voru tímabundið sé lokið og viðkomandi andmælendum skal tilkynnt um það á fullnægjandi hátt.

16. gr.

Ákvarðanir framkvæmdastjórnarinnar

1. Ákvarðanir sem framkvæmdastjórnin tekur skv. 9. gr. (2. mgr.), 11. gr. (2. mgr.), 12. gr. (2. mgr.) og 15. gr. (3. mgr.) skulu byggjast á skjölunum og upplýsingum sem hún hefur aðgang að.

Aðildarríkinu, yfirvaldi þriðja landsins eða einkaaðilanum frá viðkomandi þriðja landi og, ef við á, andmælandanum skal tilkynnt um ákvarðanirnar, þ.m.t. ástæðurnar fyrir þeim.

2. Framkvæmdastjórnin skal ákveða skv. 17. gr. (8. mgr.) reglugerðar (EB) nr. 110/2008 að skrá landfræðilega merkingu í III. viðauka við þá reglugerð nema umsókn um skráningu landfræðilegrar merkingar sé hafnað skv. 11. gr. (2. mgr.), 12. gr. (2. mgr.) eða 15. gr. (3. mgr.) þessarar reglugerðar.

17. gr.

Notkun tungumála

Landfræðileg merking skal skráð á því tungumáli eða tungumálum sem eru notuð til að lýsa viðkomandi afurð á viðkomandi landsvæði og með upphaflegri stafsetningu.

18. gr.

Framlagning beiðni um niðurfellingu

1. Beiðni um niðurfellingu landfræðilegrar merkingar skal útbúin í samræmi við fyrirmyndina í IV. viðauka og lögð fyrir framkvæmdastjórnina. Framlagningardagsetning beiðni um niðurfellingu er sú dagsetning þegar beiðnin berst framkvæmdastjórninni.

2. Höfundur beiðni um niðurfellingu skal fá kvittun fyrir móttöku þar sem a.m.k. eftirfarandi atriði koma fram:

- skrásetningarnúmerið,
- fjöldi móttækinna blaðsíðna og
- viðtökudagur beiðninnar.

19. gr.

Lögmæti beiðni um niðurfellingu

1. Beiðni um niðurfellingu er lögmæt ef í henni koma skýrt fram lögmætir hagsmunir höfundar hennar fyrir niðurfellingarbeiðninni og ástæðurnar fyrir slíkri niðurfellingu útskýrðar.

2. Allar beiðnir um niðurfellingu skulu innihalda upplýsingar um staðreyndir, sönnunargögn og athugasemdir sem lagðar eru fram til stuðnings afturkölluninni. Henni skulu fylgja viðeigandi fylgiskjöl, einkum yfirlýsing frá aðildarríkinu eða yfirvaldi þriðja landsins þar sem höfundur beiðninnar hefur aðsetur eða skráða skrifstofu.

3. Ef upplýsingarnar og skjölin sem um getur í 1. og 2. mgr. eru ekki lögð fram samtímis umsókninni um niðurfellingu skal framkvæmdastjórnin gefa höfundi hennar kost á að gera úrbætur á þessum ágöllum innan tveggja mánaða. Ef ekki er ráðin bót á ágöllum innan þess frests skal framkvæmdastjórnin hafna beiðninni sem ótækri.

Framkvæmdastjórnin skal tilkynna höfundi beiðninnar um niðurfellingu sem og aðildarríkinu, yfirvaldi þriðja landsins eða einkaaðilanum frá viðkomandi þriðja landi, þegar umsóknin um niðurfellinguna hefur áhrif á landfræðilegu merkinguna, um þá ákvörðun að beiðnin sé ótæk.

20. gr.

Athugun á niðurfellingu

1. Ef framkvæmdastjórnin hefur ekki hafnað beiðninni um niðurfellingu í samræmi við 3. mgr. 19. gr. skal hún senda beiðnina til aðildarríkisins, yfirvalds þriðja landsins eða einkaaðilans frá þriðja landinu, þegar umsóknin um niðurfellinguna hefur áhrif á landfræðilegu merkinguna, og gefa þeim kost á að leggja fram athugasemdir innan tveggja mánaða. Höfundur niðurfellingarbeiðninnar skal tilkynnt um allar athugasemdir sem berast á þessu tímabili.

2. Framkvæmdastjórnin skal taka ákvörðun um niðurfellingu ef aðildarríkið, yfirvald þriðja landsins eða einkaaðilinn frá viðkomandi þriðja landi leggur ekki inn athugasemdir eða virðir ekki tveggja mánaða frestinn.

3. Eftir að fresturinn til að senda inn athugasemdir er liðinn skal framkvæmdastjórnin taka ákvörðun um að fella viðkomandi landfræðilega merkingu úr gildi á grundvelli þeirra sönnunargagna sem hún hefur aðgang að. Hún skal taka til athugunar hvort fylgni við tækniskjalið sé ekki lengur möguleg eða ekki sé lengur mögulegt að tryggja að því sé fylgt, einkum ef þau skilyrði sem mælt er fyrir um í 17. gr. reglugerðar (EB) nr. 110/2008 eru ekki lengur uppfyllt eða ekki verður hægt að uppfylla þau í náinni framtíð.

Aðildarríkinu, yfirvaldi þriðja landsins eða einkaaðilanum frá viðkomandi þriðja landi eða höfundur beiðninnar um niðurfellingu skal tilkynnt um slíka ákvörðun um niðurfellingu.

4. Ef fleiri en ein beiðni um niðurfellingu hefur verið lögð fram varðandi sömu landfræðilegu merkinguna og framkvæmdastjórnin ákveður, að lokinni forrannsókn á einni eða fleirum þessara beiðna, að ekki sé lengur réttlæt看legt að vernda landfræðilegu merkinguna getur hún stöðvað tímabundið önnur niðurfellingarferli sem varða þá landfræðilegu merkingu. Hún skal tilkynna öðrum höfundum beiðna um niðurfellingu um allar ákvarðanir sem hafa áhrif á þá.

Ef landfræðileg merking er felld úr gildi skal framkvæmdastjórnin enda allt niðurfellingarferli sem hefur verið stöðvað tímabundið og tilkynna höfundum annarra niðurfellingarbeiðna um það.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. júlí 2013.

Fyrir hönd framkvæmdastjórnarinnar,

forseti.

José Manuel BARROSO

21. gr.

Breyting á tækniskjalinu

1. Umsókn um breytingu á tækniskjali sem tengist skráðri landfræðilegri merkingu skal, eins og um getur í 21. gr. reglugerðar (EB) nr. 110/2008, útbúin í samræmi við V. viðauka við þessa reglugerð og lögð fram á rafrænu sniði.

2. Að því er varðar umsóknina sem um getur í 1. mgr., skulu ákvæði 8. til 15. gr. þessarar reglugerðar gilda að breyttu breytanda. Þessar málsmeðferðarreglur skulu eingöngu varða þá þætti tækniskjalsins sem á að breyta.

3. Ef annar umsækjandi en upphaflegi umsækjandinn leggur fram umsókn um breytingar á tækniskjalinu skal framkvæmdastjórnin tilkynna upphaflega umsækjandanum um þá umsókn.

22. gr.

Notkun á Evrópusambandstákni fyrir skráðar landfræðilegar merkingar

1. Evrópusambandstáknið fyrir skráðar landfræðilegar merkingar, sem komið var á fót með V. viðauka við reglugerð framkvæmdastjórnarinnar (EB) nr. 1898/2006⁽²⁾, má nota á brennda drykki. Ekki má nota það tákn ásamt samsettu hugtaki sem inniheldur landfræðilega merkingu. Í stað merkingarinnar „VERNDUÐ, LANDFRÆÐILEG MERKING“ má koma samsvarandi hugtak á öðru opinberu tungumáli Sambandsins, eins og mælt er fyrir um í þeim viðauka.

2. Ef Evrópusambandstáknið, sem um getur í 1. mgr., kemur fram á merkimiða brennds drykkjar skal því fylgja samsvarandi landfræðileg merking.

IV. KAFLI

LOKAÁKVÆÐI

23. gr.

Gildistaka og beiting

Reglugerð þessi öðlast gildi á sjöunda degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. september 2013. Ákvæði 3. og 4. gr. gilda frá 1. mars 2015.

⁽²⁾ Stjtið. ESB L 369, 23.12.2006, bls. 1.

I. VIÐAUKI

UMSÓKN UM SKRÁNINGU LANDFRÆÐILEGRAR MERKINGAR

Viðtökudagur (DD/MM/ÁÁÁÁ) ...

[framkvæmdastjórnin fyllir út]

Fjöldi blaðsíðna (að meðtöldri þessari blaðsíðu) ...

Umsóknin er lögð fram á eftirfarandi tungumáli ...

Skrásetningarnúmer ...

[framkvæmdastjórnin fyllir út]

Landfræðileg merking sem á að skrá ...

Flokkur brenndra drykkja

Umsækjandi

Nafn lögaðila eða einstaklings ...

Fullt heimilisfang (götuheiti og húsnúmer, bær/borg og póstnúmer, land) ...

Réttarstaða, umfang og samsetning (*ef um er að ræða lögaðila*) ...

Ríkisfang ...

Símanr., tölvupóstfang ...

Milliliður

Aðildarríki (eitt eða fleiri) (*)

Yfirvald þriðja lands (*)

[() Strikið yfir það sem á ekki við]*

Nafn/nöfn milliliða...

Fullt heimilisfang eða heimilisföng (götuheiti og húsnúmer, bær/borg og póstnúmer, land) ...

Símanr., tölvupóstfang...

Sannanir fyrir því að vernd sé fyrir hendi í þriðja landi ...

Tækniskjal

Fjöldi blaðsíðna ...

Nafn/nöfn undirritunaraðila ...

Undirskrift/undirskriftir ...

*II. VIÐAUKI***TÆKNISKJAL**

Viðtökudagur (DD/MM/ÁÁÁÁ) ...

[framkvæmdastjórnin fyllir út]

Fjöldi blaðsíðna (að meðtöldri þessari blaðsíðu) ...

Umsóknin er lögð fram á eftirfarandi tungumáli ...

Skrásetningarnúmer ...

[framkvæmdastjórnin fyllir út]

Landfræðileg merking sem á að skrá ...

Flokkur brenndra drykkja

Lýsing á brennda drykknnum

- Eðlisfræðilegir eiginleikar, efnafræðilegir eiginleikar og/eða skynmatseinkenni
- Sérstakir eiginleikar (samanborið við brennda drykki í sama flokki)

Landsvæði sem um ræðir

Aðferð við vinnslu brennda drykkjarins

Tengsl við landfræðilegt umhverfi eða uppruna

- Upplýsingar um landsvæðið eða upprunann sem varða tengslin
- Sérstakir eiginleikar brennda drykkjarins sem rekja má til landsvæðisins

Ákvæði Evrópusambandsins eða innlend/svæðisbundin ákvæði

Umsækjandi

- Aðildarríki, þriðja land eða lögaðili/einstaklingur...
- Fullt heimilisfang (götuheiti og húsnúmer, bær/borg og póstnúmer, land)...
- Réttarstaða (ef um er að ræða lögaðila)...

Viðbót við landfræðilegu merkinguna

Sértækar reglur um merkingar

*III. VIÐAUKI***BEIÐNI UM ANDMÆLI GEGN LANDFRÆÐILEGRI MERKINGU**

Viðtökudagur (DD/MM/ÁÁÁÁ) ...

[framkvæmdastjórnin fyllir út]

Fjöldi blaðsíðna (að meðtöldri þessari blaðsíðu) ...

Tungumálið, sem andmælabeiðnin er á ...

Skrásetningarnúmer ...

[framkvæmdastjórnin fyllir út]

Andmælandi

Nafn lögaðila eða einstaklings ...

Fullt heimilisfang (götuheiti og húsnúmer, bær/borg og póstnúmer, land) ...

Ríkisfang ...

Símanr., tölvupóstfang ...

Milliliður

Aðildarríki (eitt eða fleiri) (*)

Yfirvald þriðja lands (valkvætt) (*)

[() Strikið yfir það sem á ekki við]*

Nafn/nöfn milliliða ...

Fullt heimilisfang eða heimilisföng (götuheiti og húsnúmer, bær/borg og póstnúmer, land) ...

Landfræðileg merking sem er andmælt ...**Eldri réttur**

Skráð landfræðileg merking (*)

Landsbundin landfræðileg merking (*)

[() Strikið yfir það sem á ekki við]*

Heiti ...

Skráningarnúmer ...

Dagsetning skráningar (DD/MM/ÁÁÁÁ) ...

Vörumerki

Tákn ...

Skrá yfir vörur og þjónustu ...

Skráningarnúmer ...

Dagsetning skráningar ...

Upprunaland ...

Orðstír/orðspor (*) ...

[() Strikið yfir það sem á ekki við]*

Ástæður fyrir andmælum

Nafn undirritunaraðila ...

Undirskrift ...

*IV. VIÐAUKI***BEIÐNI UM NIÐURFELLINGU LANDFRÆÐILEGRAR MERKINGAR**

Viðtökudagur (DD/MM/ÁÁÁÁ) ...

[framkvæmdastjórnin fyllir út]

Fjöldi blaðsíðna (að meðtöldri þessari blaðsíðu) ...

Höfundur beiðni um niðurfellingu ...

Skrásetningarnúmer ...

[framkvæmdastjórnin fyllir út]

Tungumál sem beiðni um niðurfellingu er á ...

Nafn lögaðila eða einstaklings ...

Fullt heimilisfang (*götuheiti og húsnúmer, bær/borg og póstnúmer, land*) ...

Ríkisfang ...

Símanr., tölvupóstfang ...

Landfræðileg merking sem ágreiningur ríkir um ...

Lögmætir hagsmunir höfundar beiðninnar ...

Yfirlýsing aðildarríkisins eða þriðja landsins ...

Ástæður fyrir niðurfellingu

Nafn undirritunaraðila ...

Undirskrift ...

V. VIÐAUKI

BEIÐNI UM BREYTINGU Á TÆKNISKJALI FYRIR LANDFRÆÐILEGA MERKINGU

Viðtökudagur (DD/MM/ÁÁÁÁ) ...

[framkvæmdastjórnin fyllir út]

Fjöldi blaðsíðna (að meðtöldri þessari blaðsíðu) ...

Tungumál, sem breytingin er á ...

Skrásetningarnúmer ...

[framkvæmdastjórnin fyllir út]

Milliliður

Aðildarríki (eitt eða fleiri) (*) —

Yfirvald þriðja lands (valkvætt) (*)

[(*) Strikið yfir það sem á ekki við]

Nafn/nöfn milliliða ...

Fullt heimilisfang eða heimilisföng (götuheiti og húsnúmer, bær/borg og póstnúmer, land) ...

Símanr., tölvupóstfang ...

Heiti landfræðilegu merkingarinnar**Fyrirsögn í forskrift sem breytingin hefur áhrif á**

Verndað heiti (*)

Vörulýsing (*)

Landsvæði (*)

Tengsl (*)

Heiti og heimilisfang eftirlitsyfirvalda (*)

Annað (*)

[(*) Strikið yfir það sem á ekki við]

Breyting

Breyting á forskrift fyrir afurð sem ekki hefur í för með sér breytingu á meginatriðum forskriftarinnar (*)

Breyting á forskrift fyrir afurð sem hefur í för með sér breytingu á meginatriðum forskriftarinnar (*)

[() Strikið yfir það sem á ekki við]* —

Útskýring á breytingunni ...**Helstu forskriftir sem er breytt**

[á aðskildu blaði]

Nafn undirritunaraðila ...

Undirskrift ...